

spiciam illis quam potero fidelissime : si vero eos me sequi velit, deducam illos mecum in ædes meas veteres, quæ non nihil sunt instauratae. Utinam autem bene merexi possim de tuis fratribus : quorum unius, Philippum dici arbitror, sententia inscripta cujusdam libro Avtographorum, delectatus sum. Salutem plur. dico Dn. Parenti tuo, tuæ conjugi: bene precor tuo filio : totique tuæ familiæ. Item bono nobilique viro D. Tetzelio. Demiror Laz. Koetzlerum nullas ad me dare literas : minus irascar si intellexero maritum esse. Bene sit illi quoque. Perscriptum Heydelbergæ 10. Jan. 1585. In Pædagogio probo, reformato, Rector prælegit Dialecticam & Rheticam Phil. Melanchtonis.

EPISTOLA XL.

SCredo Mumprechtum Doctorem Juris, S. hominem bonum, meas tibi Clar. & opt. Compater, literas, quibus ad tuas respondi jam exhibuisse. Reperient tui fratres domi meæ paratum hospitium, quo si illis uti non erit integrum, moneri me velim, quia excludo alios, ut his locus sit, quos bene moratos